

Na osnovu člana 17. Zakona o Vijeću ministara Bosne i Hercegovine („Službeni glasnik BiH“, br. 30/03, 42/03, 81/06, 76/07, 81/07, 94/07 i 24/08), a u vezi s članom 50. Zakona o radu u institucijama Bosne i Hercegovine („Službeni glasnik BiH“, br. 26/04, 7/05, 48/05 i 60/10), Vijeće ministara Bosne i Hercegovine, na 169. sjednici održanoj 21. decembra 2011. godine, donijelo je

ODLUKU

o izmjeni Odluke o visini dnevnica za službena putovanja zaposlenima u institucijama Bosne i Hercegovine

Član 1.

U Odluci o visini dnevnica za službena putovanja zaposlenima u institucijama Bosne i Hercegovine („Službeni glasnik BiH“, broj 32/07) u članu 1. riječi: „50,00 KM“ zamjenjuju se riječima: „25,00 KM“.

Član 2.

Odluka stupa na snagu danom donošenja i objavljuje se u „Službenom glasniku BiH“, a primjenjivat će se od 01.01.2012. godine.

**VM broj 240/11
21. decembra 2011. godine
Sarajevo**

**PREDSJEDAVALAČI
VIJEĆA MINISTARA BIH
dr. Nikola Špirić**

OBRAZLOŽENJE

I. PRAVNI TEMELJ

Pravni temelj za donošenje Odluke o izmjeni Odluke o visini dnevnica za službena putovanja zaposlenim u institucijama Bosne i Hercegovine sadržan je u članku 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08) i članku 50. Zakona o radu u institucijama Bosne i Hercegovine („Službeni glasnik BiH“, br. 26/04, 7/05, 48/05 i 60/10) kojim je propisano da zaposleni u instituciji Bosne i Hercegovine ima pravo na naknadu u vezi sa službenim putovanjem, kao što su dnevnica, troškovi prijevoza i slično.

II. RAZLOZI ZA DONOŠENJE ODLUKE

Fiskalno vijeće Bosne i Hercegovine, na 24. sjednici održanoj 25.10.2011. godine, obavilo je raspravu o Nacrtu dokumenta Globalni okvir fiskalne bilance i politika u BiH za razdoblje 2012. – 2014. godine.

Na navedenoj sjednici, Fiskalno vijeće je, sukladno prijedlogu Savjetodavne skupine vezanom uz moguće uštede u dijelu materijalnih troškova, preporučilo Vijeću ministara BiH, vladama entiteta i Distriktu Brčko BiH izmjene pozitivnih propisa, tako da dnevnicе unutar Bosne i Hercegovine budu izjednačene, te da iste ne budu više od 25,00 KM.

Sukladno navedenoj preporuci, Ministarstvo financija i trezora pripremlilo je Prijedlog odluke o izmjeni Odluke o visini dnevnica za službena putovanja zaposlenim u institucijama Bosne i Hercegovine kojim se visina dnevnice za službeno putovanje u Bosni i Hercegovini smanjuje s 50,00 KM na 25,00 KM.

III. OBRAZLOŽENJE PREDLOŽENIH RJEŠENJA

Člankom 1. precizirano je da se u članku 1. Odluke o visini dnevnica za službena putovanja zaposlenim u institucijama Bosne i Hercegovine riječi „50,00 KM“ zamjenjuju riječima „25,00“.

Člankom 2. precizirano je da Odluka stupa na snagu danom donošenja i objavljuje se u „Službenom glasniku BiH“, a primjenjivat će se od 01.01.2012. godine.

IV. POTREBNA FINACIJSKA SREDSTVA ZA REALIZACIJU ODLUKE

Imajući u vidu da je odredbama Prijedloga odluke o izmjeni Odluke o visini dnevnica za službena putovanja zaposlenim u institucijama Bosne i Hercegovine predviđeno smanjenje visine dnevnice za službeno putovanje u Bosni i Hercegovini, to će realizacija odredaba iste imati za posljedicu smanjivanje ukupnih izdataka po ovoj osnovi iz Proračuna institucija BiH i međunarodnih obveza BiH.